

Direktor preduzeća

Broj:101-1815/25 ŠS  
Zenica, 05.02.2025. godine

U skladu sa članom 45.st.5. tačka c) Zakona o javnim nabavkama („Službeni glasnik BiH“, br.39/14, 59/22 i 50/24), imajući u vidu Odluku o raskidu Okvirnog sporazuma za nabavku elektromaterijala – LOT 5 – Razni elektromaterijali, broj:101-1537-1/25 ŠS od 04.02.2025.godine i Odluku o raskidu Okvirnog sporazuma za nabavku elektromaterijala – LOT 7 – utičnice, utikači, prekidači, broj:101-1538-1/25 ŠS od 04.02.2025. godine, direktor Javnog preduzeća „Vodovod i kanalizacija“ d.o.o. Zenica donosi sljedeću

### ODLUKU

#### o isključenju iz učešća u postupcima nabavke kandidata „Tranzit elektro“ d.o.o. Zenica

#### I

(1) Ovom Odlukom se firma „Tranzit elektro“ d.o.o. Zenica, isključuje iz učešća u postupcima nabavke koje provodi JP „ViK“ d.o.o. Zenica, za nabavke robe koje su bile predmet provedenog postupka, broj:439-1-1-137-3-93/24 – nabavke elektromaterijala.

(2) Isključenje iz učešća u postupcima nabavki iz prethodnog stava utvrđuje se na period od 12 (dvanaest) mjeseci, računajući od dana donošenja ove Odluke.

#### II

Zadužuje se Komisija za nabavke da prilikom provođenja postupaka u kojima kandidat/ponuđač iz tačke 1.ove Odluke eventualno, dostavi svoju ponudu, vodi računa o primjeni ove Odluke, u smislu da takvu ponudu ne uzima u obzir u postupcima i u periodu definisanim u tački 1. ove Odluke.

#### III

Ova Odluka stupa na snagu danom donošenja.

#### Obrazloženje:

Dana, 17.06.2024. godine, nakon provedenih otvorenih postupaka, između JP „ViK“ d.o.o. Zenica kao Kupca, i firme „Tranzit elektro“ d.o.o. Zenica, kao Prodavca, zaključen je Okvirni sporazum za nabavku elektromaterijala – LOT 5 – Razni elektromaterijal, broj:101-7061/24 ŠS, te dana 04.06.2024. godine, zaključen je Okvirni sporazum za nabavku elektromaterijala – LOT 7 – utičnice, utikači, prekidači, broj:101-6446/24 ŠS.

Dana, 24.10.2024. godine Komercijalna služba je prema firmi „Tranzit elektro“ d.o.o. Zenica uputila narudžbenicu, broj:653/24 i 655/24 za isporuku elektromaterijala. Nakon što materijal nije isporučen u ugovorenom roku, radnici Komercijalne službe su u više navrata telefonskim putem kontaktirali predstavnike firme „Tranzit-elektro“ d.o.o. Zenica, kako bi izvršili isporuku materijala u skladu s narudžbenicom. I pored obećanja koje su davali predstavnici firme „Tranzit elektro“ d.o.o. Zenica, roba nije isporučena, tako da su dana, 19.12.2024. godine navedenoj firmi upućene urgencije za isporuku robe, u kojoj su obaviješteni da će doći do raskida predmetnih Okvirnih sporazuma, ukoliko ne ispune svoje obaveze. Imajući u vidu da do dana podnošenja Prijedloga za raskid Okvirnog sporazuma, roba nije isporučena, te da se predstavnici firme „Tranzit elektro“ d.o.o. Zenica nisu očitovali po dostavljenim Urgencijama, šef Komercijalne službe je dana, 04.02.2025. godine predložio da se raskine Okvirni sporazum za nabavku elektromaterijala – LOT 5 – Razni elektromaterijal i Okvirni sporazum za nabavku elektromaterijala – LOT 7 – utičnice, utikači, prekidači.

Obzirom na sve naprijed navedeno, ugovorni organ je bio prinuđen donijeti Odluku o raskidu Okvirnog sporazuma, broj:101-1537-1/25 ŠS od 04.02.2025.godine i Odluku o raskidu Okvirnog sporazuma, broj:101-1538-1/24ŠS od 04.02.2025. godine, te je neophodno pokrenuti nove postupke nabavke, što su okolnosti koje su se vrlo negativno odrazile na blagovremenu realizaciju poslova iz djelatnosti JP „ViK“ d.o.o. Zenica, za koje je predmetna roba neophodna.

Opisanim radnjama ponuđač je pokazao da nije pouzdan za poslovnu saradnju, čime je ostvario uslove za isključenje iz učešća u postupcima javnih nabavki, te je ugovorni organ, u skladu sa 45. stav 5. tačka c) Zakona o javnim nabavkama („Službeni glasnik BiH“, br.39/14, 59/22 i 50/24) odlučio kao u dispozitivu ove Odluke.

**POUKA O PRAVNOM LIJEKU:** Na ovu Odluku može se uložiti žalba ugovornom organu u roku od osam dana od dana prijema Odluke

#### DOSTAVLJENO

- 1 x „Tranzit elektro“ d.o.o. Zenica,  
Zmaja od Bosne bb – Poslovna zona I,
- 1 x Direktor preduzeća
- 1 x Pom.dir.za ekon.i pravne poslove
- 1 x Komercijalna služba
- 1 x Sekretar za javne nabavke
- 1 x Služba za kadrovske i opšte poslove
- 1 x web stranica preduzeća www.vikze.ba
- 1 x a/a



DIREKTOR

Pašalić Emir, dipl.ing.građ.